

欽定大清會典事例

欽定大清會典事例卷四十二

吏部

滿洲銓選

各處年滿筆帖式調京
筆帖式或京

痊起補筆帖式等項人員告病開缺補
用天文生筆帖式選貼寫中書三品官痊

生補用筆帖式端書房筆帖式
流間用筆帖式庫使借缺還抵考拔健

銳營八旗官學教習教習期滿補用筆帖
式正途筆帖式分發學習裁缺筆帖式

軍營回京候補蒙古筆帖式分部筆帖
式迴避註銷候補筆帖式候補總本筆

帖式等項人員補缺補用新疆各處筆帖
式各學教習議敘驗放各處大小吏

各處年滿筆帖式調京○康熙九年題准

陵寢筆帖式及各省城守尉駐防協領筆帖式六年期

滿由各該處出具考語咨送到部由部查覈相符以本旗月分所出之在京各部院衙門筆帖式員缺論期滿之前後先行調補○乾隆三年奏准

盛京等處有年滿回京候補之筆帖式其未補之先到京時由部傳令掣籤在各部院學習行走仍令食伊原俸○嘉慶二十二年定各處筆帖式年滿調京人員如同日年滿按咨文到部日期先後補用如咨文到部日期又同則以從前到班在先之員調補○道光二年奏准

陵寢筆帖式扣足六年期滿即開缺歸月分銓補其年
滿之員仍俟本處出具考語咨文到日再行籤
掣各衙門行走○五年奏准

陵寢筆帖式六年期滿該管官於三箇月以前豫出考
語咨部註冊期滿後按年滿日期先後以本旗
月分京缺調補如遲至期滿後始行出考咨部
有誤銓選者將該管官議處其年滿日期相同
即以從前到班在先之員調補毋庸較咨文到
部日期至年滿之員即令回京候選如該旗咨
報到京尚未銓補得缺之員仍先掣分各部院

衙門行走○十七年奏准

東陵

西陵未裁之承辦事務衙門筆帖式各二缺俱作為左翼一缺右翼一缺遇有缺出按旗輪流轉補○
光緒六年議准

東陵

西陵承辦事務衙門筆帖式各二缺俱改為宗室筆帖式額缺遇有缺出由宗人府按班序補○又議准

東陵

西陵承辦事務衙門宗室筆帖式補缺後六年期滿該管官於三箇月以前豫出考語咨報宗人府註冊並咨明吏部俟期滿先以在京六部筆帖式調補如遲至期滿後始行出考咨報致誤銓選將該管官議處

盛京驛站筆帖式停調補○雍正十一年議准
盛京

三陵總管及驛站等處筆帖式每年滿之外停其調補
盛京五部止與在京部院衙門筆帖式一同論俸
升轉

筆帖式病痊起補。○康熙元年議准筆帖式有不願在伊本衙門行走因而告病解退希圖別補好衙門此等人員起補時仍俟伊本衙門有缺補用。○乾隆四年奏准各省衙門筆帖式六年期滿例應調補來京之人其有因病解退者起補時由部查明該員除在任已滿六年照例先行補用如從前在任未及五年起補時仍俟該員原衙門有缺坐補接算扣滿年限再行調補如在任已在五年以上起補者以赴補之文到日再扣限一年至在任已五年半以上者再

扣限半年。准照調補之例。先行補用。○道光四年定。現任筆帖式。隨往任所差所者。回京時。照病痊起用例。俟伊原衙門缺出。補用。其候選人。員。隨往任所差所。後經得缺。未能回京。咨部開缺者。回京時。亦俟伊原衙門缺出。補用。如六年期滿。例應調京之員。因隨任開缺。俟其回京。候補時。除歷任已滿六年。照例先行補用。如未及五年。回京後。仍俟原衙門缺出。坐補。接算。扣滿年限。再行調補。如已在五年以上。以該旗咨報回京文到日。再扣限一年。歷任已滿五年半。

以上者再扣限半年。照調補例先行補用。○光緒十年定各部院衙門奏留候補筆帖式並

盛京各衙門候補筆帖式到班時因病停補俟呈報病痊以入署後所出之缺仍歸原班與同班較日期先後補用其由候選筆帖式籤分各衙門行走未經奏留並各項候選人員到班及繕本貼寫隨印外郎等挨補之有因患病停選者病痊時均自患病開缺之日起扣限一年以原衙門缺出選用

以上未經奏留學習筆帖式輪選到班因病未補之人即知照

該衙門將分部行走並歸

至凡例應坐補候選筆帖式不准

加捐指分六部行走及指選六部

筆帖式等項人員告病開缺○光緒十年定部
院衙門現任筆帖式各部繕本筆帖式戶部八
旗司貼寫筆帖式各部寺庫使內閣貼寫中書
並

陵寢

盛京各省將軍副都統等衙門筆帖式及

盛京各部屬下八旗外郎庫使等項人員有因患
病呈請開缺者均以具呈之日作開缺日期於
遺缺前敘明具呈之日知照吏部開缺其患病

告假有逾六箇月之限不痊應開缺者亦於截缺前知照吏部開缺文內將具呈告假之日扣至限滿開缺之日逐一敘明如遲至截缺後始行知照即照開報遲延例辦理至

盛京候補筆帖式到班因病停補呈請過班人員應開缺者以具呈之日作開缺日期以上各項應行開缺人員知照到部考功司覈准後移付文選司開缺若遇截缺之期知照到部考功司務於即日移付文選司開缺

補用天文生○雍正五年議准欽天監滿洲漢

軍天文生缺除舉人貢生並曾任筆帖式不行
補用外於考試繙譯取中之監生生員官學生
義學生內各按旗分名次歸入月選與所出筆
帖式員缺一例掣籤補用不算筆帖式班次如
有缺本旗無應擬之人則扣留俟考取有人之
日再行補授不得借補別旗之人○八年奏准
欽天監天文生其由監生生員補用者授為八
品由官學生義學生等補用者授為九品各按
品級食俸○乾隆四年奏准滿洲蒙古算學生
教習五年各部註冊遇有各本旗天文生缺出

按名補用。如無蒙古天文生之缺。即以滿洲之缺補用。○嘉慶二年奏定。除漢軍天文生定額八缺。按旗選用外。滿洲蒙古天文生十六缺。以八缺為滿洲八旗額缺。以四缺為滿洲左翼二缺。右翼二缺。以四缺為蒙古左翼二缺。右翼二缺。蒙古天文生如轉補旗分無人。將以次旗分之人轉補。所有蒙古博士二缺。以一缺在蒙古筆帖式內題補。以一缺在蒙古天文生內較俸升用。

遴選貼寫中書。○乾隆五年議准。內閣貼寫中

書員缺

八旗共四十人內滿本房二十四人每旗定為三人漢本房十六人每旗定為

二

由內閣知會到部行文各部院各該旗各按

旗分將現在候補筆帖式內除坐補原部及先用即用人員外其餘無論已未考取註冊各部院繕本筆帖式及文舉人繙譯舉人貢監生員官學生義學生等移咨過部轉送內閣會同考試選取補授照筆帖式例給俸○八年奏准應考貼寫中書人數衆多請

欽點閱卷大臣並監試御史在貢院內考試每旗取清字六名繙譯四名○九年定內閣蒙古貼寫

中書六缺。由內閣移咨吏部。行文八旗蒙古。將舉貢生監官學生等項。能蒙古繙譯繕寫竹筆字之人。造冊咨部。查明合例應考人員。彙冊移送內閣。會同理藩院在。

內廷彌封試卷。秉公考試。擇其佳者。取中十餘名。註冊。遇有缺出。不論旗分。按名次頂補。照筆貼式之例。給以品級食俸。○十七年奏准。漢本房差務殷繁。不敷應用。現於考試繙譯四名內。每旗移送一員。令在學習。繙本行走。遇缺補用。○二十三年奏准。考取貼寫中書。毋庸等候。各旗

人數用完始行奏考。每遇一旗需人即咨取應考人員。會同吏部在內閣考試。選取補授。○三十四年奏准內閣貼寫中書員缺。將效力議敘與學習行走人員先後間用。如議敘無人盡將學習人員挨名頂補。若本係學習之員又經效力議敘。無論何項班次先到即按先到之班補用。○嘉慶三年定內閣蒙古貼寫中書員缺不論旗分先用議敘一人。次用考取一人。相間輪用。○七年奏准內閣滿漢本堂繕寫均屬乏員於考取候補貼寫中書名次在前者。每旗將繕

譯清字中書各撥一員歸入滿漢本堂幫同繕

寫○又定內閣貼寫中書

八旗共四十四缺每旗滿本

為三缺漢本房十六缺每旗定為二缺滿本房

學習十六缺每旗定為二缺漢本房學習十六

為二缺遇有缺出先用議敘一人次用學習

一人如用學習到班時無論學相間輪用○又

定內閣蒙古貼寫中書照考試滿洲候補貼寫

中書之例辦理○十二年定內閣蒙古貼寫中

書六缺添設學習遇有缺出不論旗分先用議

敘一人次用學習一人如用學習到班時無論

先後相間輪用○十九年奏准各館議敘以貼

寫中書即補者。俟各本旗缺出。與應補人員。分缺間用。其餘議敘之員。仍按議敘班次補用。○道光三年奏定。各館議敘。以滿洲貼寫中書。即補者。俟各本旗缺出。先用學習一人。次用議敘。即補一人。分缺間用。其議敘分缺間用者。如議敘奉

旨。日期在即補之前。用學習一人。議敘即補一人。再用學習一人。方用分缺間用一人。如奉

旨。在即補之後。或同日奉

旨。均俟即補人員用完後。再按班補用。議敘間用人

員。○四年奏定。蒙古中書除

特旨即用人員先儘補用。不積班次外。至議敘人員。
有

實錄館議敘以貼寫中書即補者。先用學習一人。次用
議敘即補一人。分缺間用。其各館議敘分缺間
用人員亦照滿洲中書議敘間用人員之例。較
奉

旨日期補用。○五年奏定。議敘滿洲蒙古內閣貼寫
中書。其即用人員如上次已用過學習正班人
員。奉

旨後遇缺即准其補用。毋庸再積學習正班之缺。其議敘間用人員到班時查其奉

旨後積過學習正班之缺方准補用。○二十一年復准考試滿洲清字繕譯貼寫中書。由閱卷大臣按旗酌量錄取。於補足懸缺之外。清字中書每旗以八名為率。繕譯中書每旗以六名為率。○又復准考試蒙古貼寫中書。由閱卷大臣覈其懸缺多少。及報考人數酌量錄取。

三四品官廕生補用筆帖式。○乾隆五年奏准漢軍三品四品官廕生分部者。學習期滿即入

於議敘班內以學習期滿日期較先後補用各部院衙門筆帖式三品官廕生授為七品四品官廕生授為八品。○嘉慶十一年定各衙門筆帖式缺出先用廕生一人第二缺用繕本一人第三缺第四缺各部銓選第五缺用奏留學習筆帖式一人其滿洲漢軍筆帖式額缺僅止三四缺者亦比照蒙古筆帖式之例辦理如無奏留廕生繕本庫使貼寫筆帖式等項人員則奏留學習筆帖式照刑部咨二銓選留一保題之例辦理。○十四年奏准

實錄館議敘筆帖式分部行走期滿後與留部各班按
補者各衙門筆帖式缺出於補用廕生後補用
一人不積咨留之缺○十九年奏准滿洲蒙古
漢軍廕生筆帖式分部學習期滿該堂官未經
奏留咨部選用者俟議敘正班兩班之後按學
習期滿日期先後選用一人○光緒十年定廕
生引

見以侍衛用以旗員用准其報捐以筆帖式補用其
由現任筆帖式等項人員承廕廕生引
見以侍衛或旗員用不准呈請仍歸原班

繕書房筆帖式。○乾隆十五年奏准將戶部刑部筆帖式額內各撥給五人遇缺不論旗分亦不分滿洲蒙古漢軍員缺於繕書房行走人員內遴選咨部引

見補授如有應補之人於每月截限以前咨部即行坐補附於月選筆帖式內引

見補授俟有本項旗缺翼缺即行補還。○三十年奏准繕書房筆帖式遇有缺出由現任筆帖式內揀選行走勤慎繕譯精通者准其行走俟五年後該處大臣保題請

旨升用如行走平常即行駁回本處另行揀派

翼缺輪流間用○乾隆三十七年定左翼四旗

公缺缺出

銀白正藍
銀白正藍

四旗輪流轉補右翼四旗

公缺缺出

銀紅正藍
銀紅正藍

四旗輪流轉補如有各衙

門奏留不論旗分借補者將來調補本旗時或
係本旗所出之額缺或係翼缺應輪至本旗之
缺悉准調補

筆帖式庫使借缺還抵○乾隆三十七年定各
部院衙門繕本筆帖式年滿庫使如果辦事熟
悉准該堂官奏請保留不論旗分先行借補俟

本旗缺出再行調補其借補之缺另行銓補
考試健銳營八旗官學教習○乾隆四十七年
定健銳營八旗教習八缺由吏部行文八旗滿
洲蒙古漢軍應行考試人員造冊送部奏請

欽點大臣監試御史嚴加考試錄取數名交部註冊
遇有缺出按名次充補如果教導好三年期滿
准其以筆帖式補用平常者即行駁回○五十
年定健銳營八旗教習員缺由禮部於考取候
補教習人員內補用○嘉慶二十一年奏定外
火器營添設左右翼教習四名照健銳營教習

年滿議敘之例一律辦理並將標題內增添外
火器營左右翼字樣

教習期滿補用筆帖式○嘉慶十九年定

圓明園教習四年期滿列為一等及八旗義學教
習三年期滿為人勤慎教導有成者送部以筆
帖式入議敘班內較日期先後補用○二十一
年覆准

圓明園八旗教習改為三年期滿其議敘之處照
健銳營八旗教習三年期滿議敘之例辦理
正途筆帖式分發學習○光緒九年覆准開散

文舉人繕譯舉人呈請以筆帖式分發學習人
員比照廕生定例二年期滿奏留經該堂官奏
留補用者歸學習班內與捐納學習人員比較
奏留年分到部日期先後挨補同日奏留論到
部日期同日到部論科分名次如各正班無人
即以舉人抵補○十年定各部院衙門廕生及
分發學習筆帖式戶部八旗司貼寫筆帖式經
該堂官奏請保留者均照繕本筆帖式年滿庫
使借補之例至理藩院蒙古考取文藝候補筆
帖式亦照此辦理

裁缺筆帖式○乾隆三十三年定筆帖式裁缺
另補除滿洲旗分毋庸分部學習外如係蒙古
旗分之人裁缺係未經得缺之先吏部傳令掣
籤分派各部院衙門學習行走

軍營回京候補蒙古筆帖式分部○乾隆四十
七年定各處軍營蒙古額外筆帖式由奮勉效
力經該處大臣奏請以筆帖式補用者俟年滿
回京引

見後照調京人員之例未經得缺以前准其掣分各
部院衙門學習行走○嘉慶十九年定軍營回

京蒙古人員。掣分各衙門行走者。俟奏留後遇缺。准其先行借補。仍不積缺。

筆帖式迴避。○嘉慶十九年定。部院衙門筆帖式有嫡親伯叔兄弟補放本衙門堂司各官者。均令筆帖式迴避。若同係筆帖式。令後補者迴避。至祖孫父子名分攸關。除補放堂官者。仍令筆帖式迴避。如係司員及品秩稍有大小。概令孫避其祖。子避其父。又外甥親屬中。母之父及兄弟妻之父。及兄弟己之女壻嫡甥。有補放本衙門堂官者。亦令筆帖式迴避。若係司員。並同

係筆帖式毋庸迴避理藩院蒙古筆帖式

係升
轉本

院之仍照例毋庸迴避至繕本筆帖式庫使戶

部八旗司貼寫筆帖式三項均係行走年滿歸
本班以各衙門筆帖式銓補與現任不同具有
祖孫父子親伯叔兄弟補授同衙門司官者毋
庸迴避俟得缺時再令迴避其迴避之員入於
先行補用班內俟有本旗缺出按日期先後補
用捐納分部學習人員同係筆帖式亦令後至
者迴避至候補候選人員於掣籤日先行呈明
迴避照現任迴避之例一體銓選分部學習各

員另行改掣行走如掣籤以後始行呈明迴避

除行查該旗聲覆到日准其迴避外仍將呈明

遲延職名議處

如例不迴避之親族經該堂官
查請迴避不應否迴避著任堂

官之處裁滿洲
官員迴避條例

○道光四年定繕本筆帖式庫

使戶部八旗司貼寫筆帖式等項如奏留本衙

門補用者至補缺時遇有迴避應於查覈文內

聲明令其迴避若於補缺後始行呈明者除將

該員歸於原班補用外仍付考功司議處其在

京各衙門迴避之員應專以在京之缺入於先

行補用班內俟本旗缺出按日期先後補用未

經得缺以前並准其以應得部院衙門籤掣行走仍照親老回京之例由該衙門奏留補用不准奏請與各衙門現任人員籤掣對調至奉

特旨即用補用之員例應在旗候選有呈請暫行分部行走者遇有應行迴避之處暫令毋庸迴避

選缺時再行迴避其各項暫行分部或暫在原

衙門行走人員

如丁憂未經盡歸先在原衙門行走或分部行走之類

亦

毋庸迴避俟專以本衙門缺分補用時

如丁憂人員

新內用者應補本衙門缺分之類

即行迴避其餘各項分部學

習人員俱照例迴避另行改掣行走○六年奏

准月選滿洲司員筆帖式應行迴避者均於掣籤前一日赴部呈明辦理如遲至掣籤日始行呈明除行查該旗聲覆到日准其迴避外仍將呈明遲延職名議處○又奏准奉

特旨即用補用人員呈請分部行走並各項暫行分部或暫在原衙門行走以及各項分部學習人員凡應行迴避者均照實缺人員之例一體迴避改掣行走○光緒十年定六科筆帖式呈明迴避都察院堂司科道等官及都察院筆帖式呈明迴避科道等官概令筆帖式迴避若同係

六科筆帖式則今後補者迴避。○又定。

盛京筆帖式俱係本處之員。專補本處之缺。概令
毋庸迴避。

註銷候補筆帖式。○乾隆三十七年定。各項候
補筆帖式。復經考中。貼寫中書。有情願註銷候
補筆帖式。除筆帖式遇缺頂補之人。仍不准註
銷外。如非頂補者。一體准其註銷。等候貼寫中
書補用。○嘉慶十九年定。舉貢生監出身之候
補筆帖式。因補缺無期。願將筆帖式註銷。留舉
貢生監。另圖進取者。准其註銷。若係遇缺頂補。

仍不准註銷。○光緒十年定籤分各部院衙門行走筆帖式並

盛京各衙門行走筆帖式於未經奏留以前因無力當差呈請註銷分部回旗候選者准其註銷。如曾經捐免期滿或已期滿奏留補用者概不准其註銷。○又定各部院現任庫使三年期滿各部註冊以筆帖式歸繕本班內選用時有呈請註銷筆帖式選班者查非頂補之員方准註銷。至註銷後又由庫使三年期滿不准復行呈報期滿各部辦理。○又定各項筆帖式由舊例

報捐過入新班補用者不准呈請註銷新班仍
令歸原班補用○又定各部繕本筆帖式戶部
八旗司貼寫筆帖式各部寺庫使未經期滿以
前經該衙門咨令回旗者此項人員並無筆帖
式銓選班次即將回旗候選字樣查銷○又定
理藩院行走蒙古筆帖式每年拔取留補人員
各有選班如留缺到班即將選班查銷若尚未
留補遇應選本班到班仍照例選補將拔取名
次查銷

候補繕本筆帖式等項人員補缺○乾隆五十

六年定考取候補繕本筆帖式八旗司貼寫筆
沾式庫使繙譯謄錄等官。遇缺應補時。適遇丁
憂未滿百日者。均停其補用。俟百日孝滿。遇有
缺出。仍按名次即行坐補。

補用新疆各處筆帖式。○乾隆五十四年定。各
處新疆筆帖式員缺。由各該將軍辦事大臣。於
各本處另戶委署筆帖式兵丁內挑補。咨部查
覈補放。如有不合例者。具奏駁回。○嘉慶十九
年定。烏里雅蘇臺科布多二處。額設額外筆帖
式候補筆帖式。照新疆各處筆帖式之例。戴用

六品虛銜頂戴。其委署者仍戴用金頂。

各學教習議敘。○嘉慶十九年定。宗學覺羅學
咸安宮國子監各教習三年期滿。教有成效。列為
一等之員。帶領引。

見由貢監生員充補者。以筆帖式歸議敘班內選

用。如奏請留學者。二次三年期滿。及內有各項

候補筆帖式充補者。均入於議敘即用班內選

用。再奏請留學者。三次三年期滿。

議敘先儘班
議敘本班即

用六
缺班俱歸於各項即用班內。較日期先後補用。

如有續經考中候補貼寫中書。仍由教習三年

期滿者以貼寫中書歸議敘班內。遇本旗缺出。與學習人員分缺間用。○又定。

咸安宮蒙古教習三年期滿帶領引

見。以理藩院筆帖式補用。未得缺之前令其在院行走。俟議敘到班即行坐補。

驗放各處大小吏。○嘉慶十九年定。

陵寢牛羊吏內閣

皇史宬守吏。工部通州渡吏。理藩院會同館大小吏。戶

部三庫。西什庫。庫吏。裏新庫。庫吏。各旗箭亭吏。

其箭亭。由該旗自行
批補。吏部照各旗信。俱係補放本旗之人。遇

缺出。由各處知照吏部。行文本旗。揀選應補之
人。擬定正陪。聲明食錢糧年分。出兵隨
圍次數。送部驗放。

欽定大清會典事例卷四十三

吏部

漢員銓選

分月選官

投供驗到

裁取候選

官員下候選

候選文結

教職候選候補

正八品以

分月選官○順治初年定雙月推升大選單月

急選○康熙三年改為同月籤選○五年議准

仍分月選

投供驗到○康熙二年定人文到部每月初一

日投供○又題准正月開印後補行投供驗到

開印日投赴選咨文仍以正月初一日計算○

四年題准候選官自投文到部後隔一選期銓

補。人交到部至選期。自前月初一日初選官投

至次月二十五日。凡隔五十五日。

初選官投

互結並同鄉京官印結候補官止投原籍印結

及京結均令親身赴部如人先到而文結在後

或文結到而人不到均行扣選○三十九年題

准每月初二日起司官將驗到人員詳查造冊

呈堂豫行細閱以免臨選舛錯○又題准凡卓

異

特用丁憂起復人員除開列引

見不拘五十五日之期外仍照例令其驗到其扣除

另補人員。亦照定例驗到。○五十三年議准。嗣後吏員考定雜職人等。俱照考職年分截取。行令各督撫取具印結。並造年貌清冊。給文赴部驗到。其各項捐納先用雜職等官。亦照此例赴部驗到。其在京各館供事。今取具京官印結。赴部驗到。○乾隆六年奏准。凡奉

旨即用人員。免其取具文結。俟投供驗到。扣滿限期。再行選用。至月官引

見扣除。指明何項員缺別用。及親老奏明改補近地人員。均係已經得補之人。如下月即有缺出。上

月未及投供。仍准銓選。若無缺。亦令投供。驗到。
○十五年定。兵馬司正副指揮。吏目。刑部司獄。
及內閣中書。各省布庫大使。鹽課大使。係揀補
之缺。不歸月選。從前有赴部投供者。亦有並不
投供者。恐啟擇缺規避之端。亦令於每月初一
日投供。方准揀補。○二十一年議准。嗣後候補
道府人員到部。未及應行投供月分。赴部驗到
者。遇有請

旨缺出。准其開列。如驗到後。已屆投供之期。而不投
供者。月選之缺。不准銓補。請

旨之缺。亦不准開列。○四十二年奏准。候補道府曾
經投供驗到。遇有請

旨缺出。查係曾任繁缺道府。以及調繁卓異。並部員
外用。從前原係保送繁缺者。一體開單進呈。恭
候

簡用。○又議准。嗣後內閣中書。刑部司獄兵馬司正
副指揮。吏目。鹽庫大使等缺出。如在正月初一
日以後驗到以前者。即以十二月驗到之員。按
班揀補。如缺出在正月驗到以後。仍用正月驗
到之員。○四十三年議定。投供人員。有呈報患

病者。滿員取具佐領圖結。漢員取具司坊官切實印結。投部存案。儻遇擬備。即將該員扣除。以其次之員議擬。將來病痊時。自該員後次投供之日。另行扣限五十五日。再准銓選。○四十五年議准。候補候選兵馬司正副指揮吏目。刑部司獄。鹽庫大使。及內閣中書等項。均係應行揀補題補之缺。並各項坐補原缺人員。每月均令一體投供。驗到京結。毋庸扣限。○五十年奏准。候補候選漢員。凡獨子之親。年七十以上。衆子之親。年八十以上。停其銓選。投供時均令取具

京官印結。聲明父母年歲有無次丁。如父母年

十以上現在服官及同胞昆季內有同登仕版其父母素經就養仍准銓選均於結內聲明如

係承重孫結內亦○嘉慶八年奏准候補候選

人員呈請親老告近。如有昆季一人已經聲明

親老告近者其餘概不准行。○九年

諭。向來候補三品以下京堂翰詹等官應行赴部驗到

均止在部投遞名帖並不親身到部。嗣吏部酌定章

程。今此項人員赴部具呈驗到本非通行定例。嗣後

三品以下京堂翰詹應行赴部驗到者仍照向例將

文書與名帖一同送部。○十年奏准六部郎中等官

丁憂服滿病痊假滿開復坐補人員必經各該堂官奏留奉

旨後始准在本部行走。不論題選缺出自行奏補。其未經奏留者。人文到部投供驗到。各按雙單月應用缺出銓補。○又奏准六部郎中等官得有實缺應坐補原衙門之告病人員。若未經限滿病痊赴部投供候補。及先在原衙門行走者。仍俟扣滿病限一年方准補缺食俸。○十二年奏准各省道府以下等官。有因勞績經該督撫保奏奉

旨准以本省應升之缺升用者。如未經升用。旋即丁憂。起復時。例應投供者。令其赴部投供。候補例不投供者。令其在籍候補。俟得缺後。將應升之處。帶於新任。○又奏准。六部司官。丁憂起復。病痊假滿。開復人員。於應選月分。投供驗到後。查其是否合例。投供月分。截缺後。即行知照該衙門。遇有應歸月選缺出。不得咨部扣留。將員缺咨送吏部。先儘丁憂起復。次儘病痊假滿。開復人員補用。○十九年議定。凡候補候選告近人員。統於結內。將有無兄弟出仕告近迎養之處。

聲敘得缺時。令原籍督撫確查報部。含混隱匿者議處。○又議准。候補候選人員。如係承重孫。因祖父母年老呈請告近者准。若已有胞叔業經告近。則仍不准行。○又議定。投供有不合例。無赴選文。交代文。註冊呈結印結。及未捐免保舉。未聲敘。父母存歿年歲。並親年七十以上。不聲敘不足限。註冊呈結印結。聲明祖籍寄籍商籍印結。更正三代姓氏。舉人補行揀選等項。不足五十五日之限。捐免生補。捐免保舉。漢軍捐免考試。不足一月之限。並應換印結者。投供後。將應行扣選換結之處。詳細榜諭。以杜撞騙之弊。○道光二年議准。在部投供候補候選人員。赴選文內。

未詳敘祖籍寄籍及父母年歲有無次丁者限
令取具印結聲明報部查覈逾限不行補結者
扣選至投供結內無奉

旨日期及該結官外放諸事故應令換結毋庸扣選
捐免保舉等項人員上庫日期已足一月之限
丁憂告病者二十日以前起復註冊各員二十
日以前驗照者均准按班銓選○又議准投供
驗到後文結始到者本月仍不准擬用○二十
年議准投供候選人員均於赴選文內將某府
州縣祖籍寄籍商籍詳細敘述吏部行查如行

查未回而已輪選到班適得迴避之缺即以別
省改掣領憑赴任查覆到日再行覈辦其有赴
選文內未及聲明者取具京官印結補行呈明
即以其日起扣足限方准銓選如籤掣之缺非
祖籍寄籍商籍即令赴任若遇迴避之缺扣歸
下月另行銓選俟查覆果實再令投供驗到擬
選其或文結均未聲明俾邀選用將來別經發
覺議處亦或緣事應補到部始補行呈明者亦
照例議處○二十一年議准漢軍未捐免考試
各項原班已斷人員未呈請仍歸原班及結內

三代姓氏舛錯。父母存歿年歲不符。投供後將應行扣選之處。於堂榜內詳示。○光緒元年定。候補候選人文到部。取具印結。並同選互結。應名投遞。如互結官非本月投供人員。或並無其人。或互結官官階班次不符。及未畫押。即將投供之員扣除。○又定。在部投供人員。有不到在一年內。毋庸另取新結。若不到在一年外。復行投供。驗到均令取具投供印結。覈對仍扣足限。方准銓選。其未另取新結者扣除。或結內有小舛錯者。

如三代男女姓氏舛錯。父母存歿年歲不符。無關於養告。迤及本身科名籍貫。

堂榜詳諭。令於過堂前取結更正。○又奏定。供內或父母存年不符。有關終養告近。及結內未聲明身家清白。並無隱匿犯案改名蒙捐等項。投供後。將應行扣選之處。於堂榜內詳示。

閏月停選。○康熙九年題准。閏月不行選官。其候選官。亦不令投供驗到。○光緒十年議定。閏月例不選官。不截缺。所有應開之缺。歸入下月截缺銓選。至鹽庫大使等項。揀補之缺。如遇閏月應開者。則歸上月照例擬補。

因揀補之缺。係歸三十日截缺。

應開本月投供之人。故上月擬補之。

京察大計停升。○順治十三年議准。內外各官。遇京察大計之月。題明停其升補。俟出榜後。仍按各月所出之缺升補。○嘉慶四年奏准。京察例內。三品京堂繕具履歷。帶領引

見考察出自

審裁。開列具題升轉恭請

簡放。與奉

特旨升調無異。若一體停其升轉。與例意不符。嗣後京察之月。三品以上滿漢京堂。遇有應行開列具題者。仍照常辦理。○五年

諭。向來四五品京堂及翰林院讀講學士。並左右庶子等官。每遇京察之年。俟吏部開列王大臣名單。請旨簡派驗看。分別等第。吏部帶領引見。但此等人員。職分較大。係朕特加簡擢。伊等與王大臣向無交涉事件。又無統屬。其賢否何由深知。所定等第亦未必確當。況於驗看後。仍須帶領引見。又何必多此一番驗看。為耶。嗣後四五品京堂及翰林學士等官。即照三品京堂之例。一體帶領引見。不必由王大臣驗看。著為令。○十一年奏准。應升主事各項滿洲蒙古漢軍漢小京官及筆帖式。遇京察之月。已保列一等。

又經本衙門保題主事。俟京察出榜後。由該衙門帶領引。

見補授將保列一等之處。於引。

見時。聲請照大計卓異之例。於原任內加一級。

截取候選官員。康熙四年。

諭。候選各官。酌量出缺多寡。應截留者。留京候選。其餘。

聽其回籍。俟選期將近。咨令赴部。○雍正元年議准。

進士候選知縣。均令回籍。照依原考甲第名次。

候部截取赴選。○十年定。應升知縣之教職。以。

及經歷等官。按其俸次最深。任內無叅罰案件。

嘉慶二十五年定此項人員任內並無
盜案及正項錢糧處分者豫行截取及下第

舉人補授教職按其科分名次輪班應選者豫
行截取二十人令該督撫詳加驗看給咨赴部
其俸次在前應截取之人現任內有叅罰事故
未獲截取續經銷案即補行截取仍較俸升用
○乾隆三年奏准應升知縣之教職及下第舉
人補授教職按其科分名次輪班應選者酌量
截取不拘二十人之數○七年奏准遠近各省
舉人知縣每次截取三科候選用將完再行具
題截取○十七年議准現在截取到部舉人第

二科開選。即具題再行截取一科。以足三科之數。遇有揀發不致乏人。○三十年奏准。嗣後截取舉人時。令各督撫於接到部文之日為始。定限一年內。行文州縣調取驗看。年力尚健。堪膺民社者。給咨赴部候選。如精力已衰。情願改就教職者。准其在本省呈改教職。至年在七十以上。衰邁尤甚。自問不堪供職者。免其調取驗看。具呈本地方官轉詳督撫。覈實查明。造冊具題。應將小京官品級相當之中書科中書大理寺評事太常寺博士三項職銜。由吏部掣定請

旨給予。○三十四年

諭何燭奏截取知縣之舉人徐廷槐人甚衰弱難勝民社不敢因已經截取濫行送部應請改用教職等語所奏甚是各省舉人截取屆期督撫等不過循照舊例概行送部從未將年力衰邁之員甄別具奏何燭乃能於驗看之時據實奏聞具見其實心任事但此等人員需次有年或自忘其衰老不甘廢棄若即具奏改教伊等必謂督撫任意遏抑阻其上進之路轉不足以服其心嗣後督撫驗看截取舉人著實心辦理如有衰庸難膺民社者即著照此陳奏其有自不

服老情願引見之人。著該督撫照大計六法官例送部引見。候朕臨時定奪。著為令。○四十五年

諭嗣後教職截取選授知縣人員。其到任五年後。該督撫以衰老甄別者。則原驗之督撫大臣。竟毋庸置議。若未屆五年。即以衰老被劾。則距原驗時甚近。何至遽形衰邁。其察驗時之不實可知。即將該督撫及派出驗看大臣。均照例議處。著為令。○四十七年定。舉人截取知縣。凡曾充教習以教職錄用之員。俱行扣除。不准截取。○五十二年

諭嗣後直省舉人教職。由本班截取知縣。經該督撫驗

看難勝民社。如該員不甘就教。情願赴京引見者。仍著該督撫照例給咨送部。候朕鑒定。其或因路遠。跋涉維艱。不能赴京者。准其赴鄰省督撫呈明。覆加驗看。儻係年力未衰。原驗督撫果不甚確之處。即由鄰省督撫奏明。再行給咨送部引見。以示朕用人行政。一秉至公。即微員亦不使稍有向隅至意。○五十七年定。舉人截取知縣。除自揣不勝民社。呈請就教。及大挑一等。呈請改歸二等。均不准截取外。如係親老。及有志觀光就教。改入捐班人員。原係急公報效。與自揣不勝民社者不同。仍應按

照科分截取。○嘉慶五年奏准。嗣後教習舉人年滿以教職用者。無論已選未選。遇本班截取時。俱一體截取。○又議准。下第舉人補授教職。及候補教職之下第舉人。指名截取之例。均予刪除。○十四年奏准。進士引

見奉

旨。以部屬用。及以內閣中書。國子監學正。學錄用者。如有情願註銷。即具呈吏部。專摺奏明。歸於知縣原班銓選。如本科業經截取。及業經期滿奏留保留者。無論本科曾否截取。概不准其註銷。

至呈請註銷京職人員。並歸班進士候選。知縣俱令回籍。吏部查明進士將次用完。具題截取。令赴部投供。按甲第名次先後挨選。如有情願就教者。無論已未截取。或由督撫咨部。或具呈吏部。以本省府教授照科分名次銓選。若適屆本科到班。截取應選知縣時。不准再行截取。以知縣選用。○十七年覆准。呈請註銷京職人員。如在本科未經截取之先。無論曾否出考保留。一體准其註銷。○十九年奏准。凡揀選知縣舉人。俟選期將屆。吏部將遠省一科揀選之人。與

近省三科揀選之人較科分先後題請截取

近如

省裁取甲子科遠
省則裁取庚午科統計遠近省分共截取三科

之人赴部候選除自揣不勝民社呈請就教及

大挑一等改歸二等各項人員不准截取外如

由舉人改捐教職及改入捐班人員並教習期

滿以教職用者准其一體按照科分名次截取

該督撫給咨赴部先後揆選其有年在八十以

上者以六品京銜掣給七十以上者以七品京

銜掣給六十以上者以八品京銜掣給將來毋

庸入於截取之內至各省鄉試年老奏明

欽賜舉人並會試年老

特恩賞銜人員概不准其截取揀選就職。○二十一年定應行截取之現任教職未經赴部又經俸深截取及已經俸深截取又本科輪屆截取人員俱令赴部投供候選如有情願在任候升者無論俸深與本科何項截取在前由本員呈明督撫咨部准其歸於俸深班內在任候升。○道光五年覆准現任教職註銷俸滿保薦仍留本任及由舉人出身之教職降補訓導並由舉人改捐教職及親老有志觀光就教改入捐班人

員均不准截取。○同治十二年覆准。截取道府人員選班。照例定正額銓選二缺之後。插選截取一人。以次接選。不積正班之缺。如遇各班無人之缺。即以截取人員抵選。又道府部選之缺。輪應插選。截取人員時。除先儘各項即用銓用外。如遇各項計缺選用人員到班。先用截取二缺後選用人員。再用各項計缺選用人員。○光緒六年定。已經截取之舉人。照例由該督撫給咨赴部。其有因會試來京。適屆截取之時。亦准其取具同鄉京官印結。赴部驗到之後。由

欽派驗看月官大臣詳加察看。或以知縣用。或以教職用之處。交吏部附入月官之末。帶領引

見恭候

欽定。

以內有現任教職。取各員應候引。見後如以知縣用。再行開缺。如改為教職。由部給發執照。令其仍回。

教職本任。

○又奏定。揀選知縣註冊之各省

舉人。由該督撫專咨報部。或取具同鄉京官印結赴部。具呈註冊。投供候挑。遇各省請揀知縣一體入挑。其銓選班次。仍俟按科分截取後。再行照例銓選。至大挑二等及業經就教者。均不准其赴部投供候挑。其在部候挑之員。適屆本

科截取免其回籍請咨但取具同鄉京官印結赴部驗到引

見再舉人知縣除本班應俟截取外其有先由膳錄教習及俸滿教職或由恩拔副貢充補教習得有知縣後復中式舉人者查其銓選班次應無論所得先後均准其註銷一途專歸一途投供候選○又奏定舉人截取以教職用者比照

特用人員之例以引

見奉

旨之日起五缺後選用一人仍按奉

旨日期先後揆選

候選文結○順治初年定旗員取本旗都統印

文漢員取原籍地方官印結各學教習各館議敘止取本學館文

結內開明料分名次年貌籍貫三代履歷並無假冒頂替違礙事故在京郎中以

下小京官以上外則道府以下七品官以上取

具同鄉京官印結人文到部於單月初一日驗

到如有該撫咨報起程之文而無原籍印結者

不准入選○康熙十年題准截取官員如丁憂

回籍服滿起文赴部者仍照原班名次揆選各

候選人員均照料分考○又議准候選官若途

常捐納班次先後進考

中遺失赴選文。取具該地方官印結。投部查對。與該省咨報本官起程日期相符者。准取京官印結候選。○雍正元年題准。候選候補官員。已取赴選文結。投部續於新例加捐者。停其重取文結。○乾隆九年奏准。加捐人員。如已捐雙月選用。又加捐本班先用。及已於舊例捐不論雙單月即用。又於新例捐不論雙單月者。所捐班次。與應用月分。並無更易。毋庸於加捐後再行扣限。至由雙月改捐單月。或單月改捐不論雙單月者。班次已易。雖不必重取文結。應於戶部

咨文過部後扣足供限銓選。○十八年奏准候
補候選人員。各省督撫給咨赴部後。毋庸另行
咨報起程日期。○二十一年議准。月選官員。應
由督撫給咨赴選者。令該員於親供內。聲敘現
存祖父母。父母。實在年歲。由地方官加具確實
印結。送部存案。其不由原籍給咨赴選者。出咨
衙門。及同鄉京官印結。開明咨送備案。○二十
二年奏准。現任人員。捐升離任。適遇丁憂事故。
未及取具交代文結。服滿後。准其一體銓選。仍
行文飭取文結送部。免其仍赴原省請咨。○二

十九年定寄籍順天府屬各員。未呈明本籍。應補行咨部。行查該員本籍。取結註冊。知照寄籍備案。遇有事故。經本籍結報。儻有隱匿。一併議處。○三十八年議准。嗣後商籍中式之員。咨回本籍。照寄籍之例。於赴選文結內。聲明咨部註冊。○四十二年議准。赴選各官文結。令各該管官。確查該員有無寄籍祖籍。並何時入籍。改歸之處。詳細聲明報部。一體迴避。如實係本籍。亦即於文結內註明土著字樣。混冒者。糾叅治罪。○嘉慶十七年議准。各項候選人員。起具赴選。

文結令各督撫遵照定例。按限出詳。出咨。毋得藉端駁飭。如有遲延。即將職名送部議處。果有勒指情事。立即指名叅辦。至有必須駁換之處。亦於咨文內將因何駁查之故詳敘。以憑查覈。○又覆准正八品以下官員。文結咨部。俾其投供驗到。今在籍候選。惟揀選引

見之員。如鹽庫大使者。則今每月初一日驗到候選。○道光元年

諭嗣後起復人員。除另有事故不能赴補者。均於文內聲明外。其餘概不准遺漏赴補字樣。如有遺漏。該部

查明即將遺漏之地方官叅處。其本員仍准赴選。赴
挑毋庸另取文結。欽此遵。

旨議定。未經起文赴選人員。有於服滿病痊文內註有
候選候補字樣者。照原班挨選。毋庸另起文結。
○二十五年議准。候選官員未及回籍取文者。
取具同鄉京官印結。在部註冊。其業經註冊赴
選。續由勞績保舉加班者。俟本籍文結。或同鄉
京官印結註冊。方准銓選。若僅由原保督撫詳
敘履歷及保奏原案者。除據咨銷除原冊外。仍
俟本籍文結。或註冊結到部。始准扣限銓選。

候補文結。○順治初年定。凡丁憂治喪服滿。及
病痊假滿。漢官取具原籍印文。旗員取具都統
印文。其裁汰迴避降調。及降革還職解任開復
者。均取具原任印文。人文到部。於雙月初一日。
取京官印結投部。驗到單月有缺。照赴補之文。
先後接補。其部寺司務。不專補原部寺員缺。遇
單月所出各部寺員缺。補授。京官候補。生補原
衙門。惟部寺司務
遇內閣中書。不歸月選。其題補。按不拘雙單月。人文到部。
遇有員缺。由內閣移送。准其先補。○康熙四年
題准。官員有起赴補之文到部。因原案降調者。

或起降調之文到部。因別案降調者。或因前案
開復而復還官職者。或已照所降之級銓補。未
赴任而復還官職者。均照原文補授。○九年題
准。官員補授之後。或督撫題補有人。或將員缺
裁改。或前官誤被揭叅留任。而新補之人未經
給憑。或已領憑而未到任者。不必再行起文。仍
照原文補授。若已赴任。則應留本省。凡服滿官
題補。別見外官另補條。
員。文已到部。未經補缺。旋復丁憂者。服滿起文
到部。仍照前文補授。文內有候補字樣。其重取文結。候補官
員。止將候補之文投部。而在籍患病者。取具地

方官印結投部。俟病痊再行起文赴部。照後取
之文補授。至各官赴補之文到部。文選司付查
考功司。本官離任前後有無別項事故。無事故
者。准其候補。服滿者。由稽勳司查明移付文選
司。准其投供。嘉慶二十二年改准其
投供四字為方准銓選○雍正十
一年

諭。部屬官員。嗣後除告假開復二項。仍照舊例於單月
銓補外。其丁憂起復人員。著不論雙單月。遇缺即行
補用。○乾隆八年奏准。官員降革之後。業已回籍。後
經開復者。准其取具原籍咨文。赴部銓補。○三

十七年議准京官病痊應坐補原衙門缺。若未經限滿病痊到部。先在原衙門辦事。仍扣滿一年。方准補缺食俸。○三十九年題准內閣漢中書不拘雙單月。人文到部。該衙門查覈合例後。由吏部帶領引。

見補授。○嘉慶十七年議准各項丁憂服滿人員起文候補。令各督撫即於服滿文內註明赴補字樣。毋得遺漏。其中或本員另有事故。未及赴補者。應於文內註明因何不克赴補字樣。以備查覈。如並未聲敘。致有遺漏。即令該督撫將何故

遺漏之處。查明聲覆。並將遺漏職名。送部察議。
○十九年覆准。凡丁憂服滿各項文結內。有赴
補字樣者。即准銓補。如文內聲明別有事故。不
能赴補者。俟後次咨到。始行選用。僅係地方官
有意勒指。故意填註事故。以致扣選者。准該員
到部呈明。令該督撫查叅辦理。其有同官同日
咨文到部。補授時代為掣籤。將得缺籤者補授。
○道光元年奏准。各省起復人員文結內。遺漏
赴補字樣。原係本省官吏之誤。非本員之咎。嗣
後起復人員。如有另有一事故。不能赴補者。均於文

內聲明外其餘概不准遺漏赴補字樣如有遺漏該部查明即將遺漏之地方官叅處其本員仍准赴選赴挑毋庸另取文結○又奏准丁憂服滿人員赴補文內該督撫聲明另行驗看咨部者即於起復後銓選毋庸再俟驗看咨文○四年議定降調之員旋即丁憂業由該督撫給咨回籍守制者起復後准其具咨赴部銓補

十二年改旋即丁憂為續經丁憂四字

○又奏准各項丁憂服滿

人員須俟赴補咨文到部方准銓選

正八品以下候選候補官○康熙六十年題准

八品以下應選人員。停其投供驗到。在籍候選。文憑咨發該撫驗看。如有出身不正。行止不端。及年老殘疾之人。咨部革退。○雍正七年議准。冊報到部之考職吏員。由部開明。令該督撫府尹傳齊驗看。衰老者休致。年力精壯者。照限彙冊報部。如已驗看之人。將次用完。再行文各省督撫府尹驗看。凡正八品以下官均給文咨部。即准候選考職吏員。經年久遠多有年力衰邁故必驗看報部方准銓選。○十二年議准。書吏入籍順天。及在順天等處著役者。候選雜職。於起送赴選冊結之日。即於地方官處。呈明祖籍。一併

開載冊內送部。其有掣籤發憑之後始行申報者。照例議處。○乾隆十一年議准。候補正八品以下各官。照初選例在籍候補。此內有由知縣以上奉

旨降至知縣以下等官。未經引

見者。例得與月官一同引

見。應仍令赴部投供驗到。與在籍各官通較候補文到日期。先後補用。其餘各項人員。候補之文到部。照文到日期註冊。扣限五十五日依次接補。○十二年議准。截取吏員。已准該省督撫府尹

驗看彙冊送部後。續有單咨送部者。俟將來截取之日。一併歸入驗看。彙齊造冊送部。○十六年議准。考職吏員。照例截取驗看。其自揣年力衰邁者。免其赴驗。均令報部。給以頂戴註冊。嗣後截取驗看。統以五年為率。○又議准。州縣總吏提牢倉書內閣各部院寺衙門繁缺書吏。將名次在前之從九品未入流。各開列三十員。行文各該省督撫府尹傳齊驗看。依限造冊送部。方准銓選。○十九年覆准。在外考職吏員。吏部按省冊到部。截取五年之人。令該督撫府尹傳

齊驗看。衰老者給以頂戴註冊。強壯者照限彙冊報部。均照捐納班次期滿役滿日期先後選授。又定在京候挑之正八品以下應補應選雜職並引

見奉

旨降至正八品以下等官。如遇月選得缺。准令取具同鄉京官印結投遞履歷。赴部過堂。附八月官由

欽派大臣驗看。吏部彙題給憑赴任。

教職候選候補。順治十年議准教職就近選

補令在籍候憑。仍取地方官印結。並親供三代履歷。本身年貌。報部。○康熙四十九年。議准。候補教職。撫臣考試後。停其按名具題。止令咨部。

考試等第詳載
俸滿保題例

○雍正二年。覆准。候選教職人

員。遇有丁憂病故者。按月報部註冊。○十二年

議准。各省候補教職。本省候補文到部。不論五

十五日。單月。遇有員缺。挨次補授。雲南。貴州。廣

東。廣西。四川。福建。教職。均由各省督撫題補。候

補之文到部。將執照給發該省。照例題補。雲南等省

教職乾隆十九年
均改歸部選

○乾隆三十年。議准。會試後挑

選二等舉人以教職銓補者。雙月單月。凡經制復設教諭訓導等缺。俱先用二等舉人二人。後將正班內應用人員。選用一人。其選用訓導者。以教諭銜管訓導事。仍照原銜升轉。○三十三
年

諭。教職遇有員缺。向來率多別學教官代理。此等司鐸微員。兩任豈能兼顧。現在各省挑選二等舉人。在籍候選教職之員。伊等得缺尚遲。如有情願自效者。即赴本省督撫報明。聽候該督撫會同學政。挨次派委暫署。則員缺既不久懸。而需次者亦不令閒曠。自為

一舉兩得。○三十七年議准。此次揀選二等舉人。視上屆較少。每班先用二等舉人一人。次用正班一人。俾應選教職人員。均得按班輪用。○又定。舉人揀入二等。後經中式進士歸班者。照二等舉人選用教職之例。以教授選用。雙月先用二等舉人中式進士一人。次用各科就教進士一人。單月先用二等舉人中式進士一人。次用應補教授一人。○三十八年議准。嗣後各省教職。凡病痊終養。以及丁憂起復人員。有情願自效者。准其赴省呈明。聽該督撫委用。遇有缺出。先

儘二等舉人。再委候補教職。其補缺先後。仍按應用班次銓補。○三十九年議准。月選知縣改教。以及現任並揀發知縣改教。有情願自效者。准其照病痊終養丁憂起復人員之例辦理。○四十年議准。嗣後奉天教職。及吉林學正缺出。准其於

盛京禮部左右翼官學教習期滿。以教職用之員。照二等舉人及候補人員之例。有情願自效者。赴府尹衙門呈明。聽該府尹委用。先儘二等舉人。並各項候補教職。再委教習期滿。以教職用。

之員。補缺先後。仍按應用班次銓補。○嘉慶十九年奏准。各省選拔貢生。

朝考一二等引

見以教職用者。遇有復設教諭並訓導復設訓導。勒令休致之缺。無論文內有無甄別字樣。大計年老有疾休者。先儘此項人員銓選。俱不積缺。○又定。分部學習之選拔貢生。三年期滿甄別。奏明以復設教諭改補者。聽其就職銓選。毋庸扣限。○道光二十三年定。漢軍漢舉人。於雙單月凡經制復設訓導教諭等缺。先用二等舉人一

人。其大挑一等分發各省試用之員。甄別以教職用者。仍歸二等舉人班內。按科分名次先後選用。○光緒二年奏定。各省優貢。

朝考一二等以教職用者。以經制訓導復設訓導歸於雙月歲貢選用二人之後。選用一人。其考列三等者。准其就經制訓導復設訓導。照考准年分先後。附於歲貢之末選用。○又定。復設教諭缺出。如遇拔貢就教到班。先用詢問教職一人。不論同年。再用拔貢同年就教一人。准其隨時呈請分發。籤掣省分試用。○又奏定。各省學

政薦舉生員如奉

旨以教職用者。歸雙單月無論是否積缺。併計五缺。之後選用。仍令取具本籍赴選文結。或同鄉京官印結。呈部註冊。扣限銓選。○又定。廩增貢生考取教習。期滿以教諭選用者。歸於雙月經制教諭。扣足舉人教習及

咸安宮

景山等教習一班之後。選用一人。以訓導用者。俟歲貢就教選用五人之後。選用一人。○又定。在籍候選就教人員。覈其年分科分。分別限制銓

選如該員早有事故。由各省地方官迅查咨報。銷冊扣選。吏部仍每年將名次在前之員。開列行咨各省。催令查報。儻銓選得缺。始行咨部。開缺者議處。原缺以其次之人補選。